

海語敘

夫列徼之外東方曰夷南方曰蠻雕題左衽身
言而獸行諸夏利害無與也然俟德以賓審勢
而服於諸夏之盛衰實始終焉是故兩階格苗
重譯獻雉虞周之德之盛可知也楚稱霸而百
粵效貢秦兼併而蠻夷威服勢固有然者歟自
漢而後內屬之境暫開而攻鈔之寇踵至來王
之使未返而乖貳之釁已彰是雖禽獸之常形

NATIONAL CENTRAL LIBRARY, TAIWAN, R.O.C.



而綏馭之道海音或亦疎矣。余嘗考自洪武永樂之際海上朝貢之國四十有一麒麟再至名珍異貝充牣帑藏于茲百七十年惟東之朝鮮日本南之琉球庭實之質不絕於道安南暹羅滿刺加占城君計至君立至鄰國交惡至惟弔若冊皆有常使比平其亂或表臣莅焉自餘兼併分裂遞興遞廢名號非舊亡可攷錄余因以慨夫政教不加荒亂日多裔夷之遭之不幸也當時

文儒纂述其稱古里之風道不拾遺天方之數可裨曆度所謂禮失而求諸夷者非邪他如南州異物志鷄林類事寰宇記島夷諸番二志土風國俗亦間見耳余自屏居簡出山翁海客時復過從有談海國之事者則記之積漸成帙頗彙次焉夫有君臣則有刑政有男女則有媾婚有父子兄弟則有聚有處農工商賈禦畜禦侮各隨其方客談多二國之事然類有異於前志

海語 月 二
者豈亦沿革習氣與時推移邪記風俗夫天地
萬物陸之所產水必產焉故物莫繁於海亦莫
鉅於海島夷內黥外瘖而鍾於物則良可貴奇
可玩者多矣無亦造化之偏氣乎舊志未必詳
也記物產夫羅經指南航海而尸其務者爲舉
舟之司命毫末懸利害焉海賦未經道也柳子
厚招海賈似寓情於閨時憤俗而輕生競利者
觀之亦足戒矣然余則謂海之險何若方寸間

邪蓋海無私於覆溺而人心或甚焉爾記長途
夫常必有怪先王制器以知神姦魍魎魍魎母
或逢旃是故蠻夷陰類也海陰方也鬼物或憑
焉海童天吳諒非誕謾記物怪夫言以談海立
者也題曰海語云

嘉靖十五年歲癸兆浚灘二月朔旦黃衷謹識

海語敘終

月

三

海語目錄

卷上

風俗

暹羅

滿刺加

卷中

物產

狔

象

海犀

國家圖書館, NATIONAL CENTRAL LIBRARY, TAIWAN, R.O.C.

海馬 海驢 海狗

獐獮 海鼠 海鷗

海鷄 海鶴 海鸚哥

海鸞 火鷄山鳳 海鯊

海龜 海鯉 海鱈

鰻鱺 印魚 河豚

蜘蛛 猛火油 醪醪露

片腦 石密 伽南香

辟珠 蓬蓬奈

卷下

畏途

崑崙山 分水 萬里石塘

萬里長沙 鐵板沙

物怪

海和尚 海神 鬼船

飛頭蠻 人魚 蛇異

國家圖書館 NATIONAL CENTRAL LIBRARY TAIWAN R.O.C.

海語

目錄

三

龍變

石妖

海語目錄終



國家圖書館, NATIONAL CENTRAL LIBRARY, TAIWAN, R.O.C.



陳眉公訂正海語卷上

鐵橋病叟 黃 衷 著

恬澹道人 張可大

風俗 蒙齋主人 吳 恕


校

暹羅

暹羅國在南海中自東莞之南亭門放洋南至

烏瀆獨瀆七洲 三洋名 星盤坤未針至外羅坤

申針四十五程至占城舊港經大佛靈山其上



烽墩則交阯屬也又未針至崑崙山又坤未針
至玳瑁洲玳瑁額及于龜山西針入暹羅港水
中長洲隱隆如壩船出入如中國車壩然亦國
之一控扼也少進爲一關守以夷酋又少進爲
二關卽國都也其地沮洳無城郭王居據大嶼
稍如中國殿宇之制覆以錫版闢東壁爲巨扉
是爲王門治內分十二塘壩會長主焉猶華之
有衙府也其要害爲龜山爲陸昆主以阿昆猛

齋猶華言總兵甲兵屬焉有奶街爲華人流寓
者之居士夷乃散處水棚板閣蔭以菱章無陶
瓦也其國右僧謂僧作佛佛乃作王其貴僧亦
稱僧王國有號令決焉凡國人謁王必合掌跪
而捫王之足者三自捫其首者三謂之頂禮敬
之至也凡王子始長習梵字梵禮若術數之類
皆從貴僧是故貴僧之權侔於王也國無姓氏
華人流寓者始從本姓一再傳亦亡矣人皆髡

首耻爲盜竊凡犯盜及私市者罪之其犴獄則
穴地爲重樓三級謂之天牢輕罪置上級差重
置中級殊死者乃置下級輕刑以皮鞭差重斷
足十趾差重斷手十指罪至殊死者腰斬或以
象蹂之貴僧爲請于王王乃宥之沒爲僧奴謂
之奴因賦役省薄惟給象爲最重故殊死獲免
者不爲奴因則以給象終身焉國無占候凡日
月薄蝕國人見者則奔告于王首至者賞建寅

之月王乃命巫占方命力者由勝方所向掠人
而別其膽雜諸藥爲湯王濡足象濡首以作猛
氣凡用膽華人爲上僧不別孕婦不別瘡疔不
別是故用膽視歲甲子爲多寡也建辰之月是
爲歲首建巳之月始作農事建午之月潦始漲
建酉之月潦退王乃御龍舟乃祀土穀禾乃登
始獲凡稼之長茂視潦之淺深稈長丈有三尺
穗八寸有只稻三盈寸田畝贍數口少歉歲也

凡男女先私媾而後聘婚既嫁而外私者犯則
出貨以贖然猶蔽罪於男謂其爲亂首也凡婦
多慧巧刺綉織紵工於中國尤善醞釀故暹酒
甲於諸夷婦飾必以諸香澤其體髮日夕三四
浴戲狎不禁雖王之妻妾皆盛飾倚市與漢兒
貿易不訝亦不敢亂居父母若夫之喪則削髮
如比丘尼經旬乃蓄鬢如舊凡處喪富夷火尸
而空貧者舉尸筏而浮諸海喪屬踞伏于海濱

迎僧而呪群大鳥啄而食之頃之而盡謂之鳥
葬凡鰥患夷衆則奔赴于王王詔貴僧呪飯而
投諸鰥所乃以貝多葉書數符佩以奴因沒水
牽數鰥出貴僧佐其孽跡多者戮之剝其腹有
得鉛珠二升者跡少乃黥符其背呪而縱之國
人凡有讐怨皆謁僧求呪其呪土夷遭者非死
卽疾苦施諸華人則不能害也凡飯僧必具十
品食也屑糯若稭也牛也羊也豕也翰音也舒

鴈也家鷺若魚也皆熟而薦之僧呪而後舉舉必盡數器不足十品不以供也其產多蘇方木檳榔椰子波羅蜜片腦諸香雜菓象齒犀角金寶玳瑁之屬貿易用肥故其民饒富豪僧各據別島而居奴囚數百口蓄貲多至數十鉅萬不蓋藏不虞寇西洋諸國異產奇貨輻輳其地匠藝工緻嵌寶指環時至中國一枚值數十金地廣而兵強嘗併有占臘而私其貢賦以不繫中

國利害置不問也

滿刺加

滿刺加在南海中始爲暹羅屬域厥後守土酋長叛其主而自立開國無可考矣自東莞縣南亭門放洋星盤與暹羅同道至峴岫洋直子午收龍牙門港二日程至其國爲諸夷輻輳之地亦海上一小都會也王居前屋用瓦乃永樂中太監鄭和所遺者餘屋皆僭擬殿宇以錫箔爲

飾遇制使若列國互市王卽盛陳儀衛以自儆
備其民皆土室而居其尊官稱姑郎伽哪巨室
稱南和達民多僥裕南和達一家胡椒有至數
千斛象牙犀角西洋布珠貝香品若他止蓄無
算俗不尚鬼男子鷄鳴而起作天啣啣而呼哈
喇蓋哈喇者天地父母之通謂也文字皆梵書
貿易以錫行大都錫三斤當華銀一錢耳牙儂
交易擗指節以示數千金貿易不立文字指天

爲約卒毋敢負者不產五穀米稻皆暹羅蠅蠖
陂隄里所貨鬻俗禁食豕肉華人流寓或有食
者輒惡之謂其厭穢也其地多酥酪富夷以和
飯而啖雞犬鵝鶩常仰販於他國故一物之價
五倍於華也民性獷暴而重然諾鈿鑽不離頃
刻生男二歲卽造小鈿鑽而佩之一語不合便
截乃其曾先卽乃者輒逃匿山谷踰時乃出死
者之家不復尋讐姑郎伽哪亦不復追論矣交

會則交捫其心以爲禮。誤捫其首則勃然忿爭。貧民頗事剽掠。遇獨客輒殺而奪其貲。船商假館主者必遣女奴以服役。猶日夕饋食。飲少不知戒。卽腰纏皆爲所掩取矣。婚嫁尤論財。男聘以十四而責女之奩資。嘗數倍。陪送奴。田有五。六房者。市井罵詈止於其身。雖甚辱不大較。若罵子孫而及父祖。罵奴而及家長。輒以死鬪。故傭奴以上着爲上。謂其能扞主也。婦女以夜爲

市禁以二鼓而罷。脫有過禁者。遇巡徼姑卽伽。哪卽執而戮之。王亦不詰也。輕刑鞭撻罪至死者。斷木爲高椿而銳其末入土二尺許。以囚大孔貫鏡端。輾轉哀噉。頂之洞腹而死。喪事貧者舉尸而焚。富人則以樟腦實棺中而後焚之。詰旦而視骨爲揚灰矣。其地多崇山大谷。陸行可達。暹羅嘗併有爪哇之國。然爪哇之夷素號兇狡。凡受傭其地而戕害其王者。十八九惟善制

藥筒中其矢者無不立死正德間佛朗機之舶
來互市爭利而閩夷王執其哪噠而囚之佛朗
機人歸愬於其主議必報之乃治大船八艘精
兵及萬乘風突至時已踰年國中少備大被殺
掠佛朗機夷酋進據其宮滿刺加王退依陂隄
里老幼存者復多散逸佛朗機將以其地索賂
於暹羅而歸之暹羅辭焉佛朗機整衆滿載而
去王乃復所

陳眉公訂正海語卷中

鐵橋病叟 黃 衷 著

繡水後學 張 致元 校

物產 恬澹道人 張可大 觀甫 校

狃音寵

狃人屬出於暹羅之岠嶼短小精悍圓目而黃
睛性絕專慾不識金帛木食如猿猱古樾蒙密
者率數十巢蓋舉族所聚也語啞嚶不可辨山

居夷獠每諳其性常馴擾以備驅使蒙以敝絮
食以鯁音鵠鰓音貝夷言小鰓魚飲以漓酒卽躍然喜似
謂得所主者舉族受役至死不避雖歷世不更
他姓嘗役以採片腦鶴頂皆如期而獲其山多
犀象主者利其齒角授以毒鏢紈挾以歸遇犀
或象輒往刺之升木而匿犀或象怒且索毋得
也移刻毒發而瘡紈乃群聚叫嘯若誇其捷者
相戒聚以守經月犀象且腐所遺如齒如角齒

則負以數紈角乃一紈肩之以輸其主遇奪他
姓亦至死弗畀也。船人編竹爲籠紆深其制置
所必由之徑機而取之以獻於夷王王大愛玩
酬以蘇方木至數千斤猶衣紈以番錦飼以嘉
實置之爽塏紈以非其主終不附也。然稍近煙
火淚日死爾

鐵橋子曰予觀紈有三善焉格犀若象
以小制大近勇不安華構不甘嘉象近

廉不遺舊主。近忠吁若狃。可爲臣監矣。

象

象嗜稼。凡引類于田。必次畝而食。不亂蹠也。未旬卽數頃盡矣。島夷以孤豚縛籠中。懸諸深樹。孤豚被縛。嗥嗥不絕聲。象聞而怖。又引類而遁。不敢近稼矣。夫體巨而力強者。物莫象若。佛書言菩薩之力。譬如龍象。是匹龍也。孤豚之聲。乃怖而遁之。島夷之術。奇矣。抑何所受邪。噫。世之

屏目任耳。而自致疑懼者。獨象也乎哉。

海犀

海犀間出海上。類野兕。而額鼻有角。與陸犀同。所遊止處。水爲分裂。夜則淵面白光熒熒。此其異也。島夷以是候之。然竟無獲者。遂爲希世之物矣。舊說温嶠燃犀照水。神怪莫遯。卽其角也。錢吳寶庫有水犀帶一具。國亡流落人間。不知所終。云又野犀有各通天者。角表夜光如炬。亦

奇物也

海馬

海馬色赤黃高者八九尺逸如飛龍山食而宅
海蓋龍種也東西島夷老於泛海者間一見云
昔人有得巨獸骨者以問沙門贊寧贊寧曰是
爲海馬骨水火俱不能毀惟漚以糟腐卽爛矣
試之果然前代緇流博雅乃爾則名爲大儒者
其可及哉

海驢

海驢多出東海狀如驢船估有得其皮者毛長
二寸許晴則毳毳下垂陰則髦練整整也或以
製卧裯善人御之竟夕安寢不善人枕籍魂乃
數驚矣島夷詫其靈不敢蓄也

鐵橋子曰獬豸觸邪神草指佞皆出於
聖人之世蓋希代之瑞也海驢產於荒
裔洪濤之中而其遺革猶辨淑慝以故

其靈如其非誕亦足異矣吁孰謂靈具
五常而智反敝革下邪

海狗

海狗純黃形如狗大乃如猫嘗羣遊背風沙中
遙見船行則沒海漁以技獲之蓋利其腎也醫
工以爲卽膾肭臍云按本草膾肭出西戎豕首
魚尾而二足圖經云黃毛三莖一竅恐別種也

獐獮

獐獮或作俱有白有黑有黃有狸狀酷類猫而大
亦高足而結尾捕鼠捷於猫也諸國皆產惟暹
羅者良船估挾至廣州常猫見而避之豪家每
十金易一云

海鼠

海鼠大如豕重亦百觔目正赤然猶畏猫或獻
於夷酋畜之別囿遇獐獮嚙其目死焉

海鷗

海鷗似鵝而大不識人舶過嘗集人肩頂人輒捕而烹之

海鷄

海鷄毛色如家鷄惟雙足鰲類爾

海鶴

海鶴大者修項五尺許翅足稱是吞常鳥如鮫魚鱧成化間有至漳州者漳人射殺之復有以頂貨者類洵河而銳喙雄大雌乃略小晝啄于

海暮宿巖谷間島夷豫以小鏢付猗月夕則伏於鶴常宿所擇其大者而刺之平旦有獲五六頭者島夷乃剝其頂售于舶估比至閩廣價等金玉予嘗見廣中善宦有以鶴頂製飲器數百事雜飾金寶餉諸貴璫朝右以希顯柄然卒止方岳豈數然邪抑公道可憑邪

海鸚哥

海鸚哥黑喙綠羽足亦鰲也

海鸞

海鸞大如鳩春回巢於古巖危壁葺壘乃白海菜也島夷伺其秋去以修竿接鏟取而鬻之謂之海鸞窩隨舶至廣貴家宴品珍之其價翔矣

火雞山鳳

火雞出滿刺加山谷大如鸛多紫赤色能食火吐氣亦煙燄也子如鵝胎殼厚踰重錢或斑或白島夷採爲飲盞見者多珍奇之山鳳喙首如

鵝項足率七八尺翅翮過之能吞衆鳥敵人而啄其腦若刀斧然子大如御甌近時暹羅哪噠挾一以餉盤檢悅之倩巧匠裁爲酷甌市井誇謂僅見也夫明王之世不貴異物而杜淫巧此何爲者哉此何爲者哉

海鯊

鯊有二種魚麗之鯊蓋閩廣江漢之常產海鯊虎頭鯊體黑紋鱗足巨者餘二百斤嘗以春晦

陟於海山之麓旬日而化爲虎惟四足難化經月乃成矣或曰虎紋直而疎且長者鯊化也炳炳成章者常虎也

海龜

海龜鷹首鷹吻大者方徑丈餘春夏之交遊卵於沙際島夷遇而捕之輒垂淚歔氣如人遭困厄然或諭之曰汝再垂淚歔氣當解汝縛龜便應聲潛然鳴若哀牛島夷昇至海濱釋之龜比

入水引頸三躍若感謝狀而逝

海鯉

鯉有二種常鯉類鱗魚而小河海皆產也海鯉身首差短歲二八月羣至數百騰於沙嶼移時化爲鳥俗呼火鳩是也海濱居民候其上也課而驚之化者纔十五鱗鬣全不開者不全化矣居人羞者市者瀕海皆足余少時嘗見廣海人有以糟鯉餉先大夫者比發甌鳥首而魚身者

海言 卷中 十
二先大夫愀然不懌曰是欲化而不可得者也
無乃人離造化之情邪尚忍食哉命覆之

海鱸

海鱸長者亘百餘里牡蠣聚族其背曠歲之積
崇十許丈鱸負以遊鱸背平水卽牡蠣岬岬水
面如山矣船猝遇之如當其首輒震以銃砲鱸
驚徐徐而沒猶漩渦數里船顛頓久之乃定人
始有更生之賀益觀甚奇而災甚切也

鰻鱺

鰻鱺大者身徑如磨盤長丈六七尺鎗嘴鋸齒
遇人輒鬪數十爲隊常隨盛潮陟山而草食所
經之路漸如溝澗夜則鹹涎發光船人以是知
爲鰻鱺所集也燃灰厚布所開路執鏢戟諸器
羣譟而前鰻鱺循路而遁遇灰體澁不可竄移
時乃困船人恣殺之皮厚近寸食之美於肉也

印魚

印魚出南海中似青魚而修廣過之頭骨中拆
如解顱之嬰頤後垂及方徑三寸許若道巾之
披餘然上有黑文儼如篆籀島夷間有獲者必
珍藏之不知其何謂也

河豚

河豚出於江河者皆不盈尺海中大者如豕服
雜紅黃文彩可玩常魚率順水而遊此則旋迴
戲躍噴沫之聲島島如訓狐舶人聞其聲知其

下有河豚也以小組繫文鏢擲而獲之有重數
十斤者云

蜘蛛

海蜘蛛巨若丈二車輪文具五色非大山深谷
不伏也遊絲隘中牢若組纜晨輝照耀光燄燁
燁虎豹麋鹿間觸其網蜘蛛益吐絲如縞霞纏
糾卒不可脫俟其斃腐乃就食之舶人欲樵蘇
者率百十其徒束炬而往遇絲輒燃紅遍山谷

如設庭燎蜘蛛潛愈遂密惟恐其及也或云取其皮爲履不航而涉豈其然歟

猛火油

猛火油樹津也一名泥油出佛打泥國大類樟腦第能腐人肌肉燃置水中光焰愈熾蠻夷以制火器其烽甚烈帆檣樓櫓連延不止雖魚鱉遇者無不焦爍也一云出高麗之東盛夏日初出時烘石極熱則液出他物遇之卽爲火此未

必然恐出樹津者是也

醪醑露

醪醑海國所產爲盛出大西洋國者花如中州之牡丹蠻中遇天氣凄寒零露凝結着他草木乃冰澌木稼殊無香韻惟醪醑花上瓊瑤晶瑩芬芳襲人若甘露焉夷女以澤體髮賦香經月不滅國人貯以鉛甌行販他國暹羅尤特愛重競買略不論直隨舶至廣價亦騰貴大抵用資

香奩之飾耳五代時與猛火油俱充貢謂薔薇水云

片腦

片腦產暹羅諸國惟佛打泥者爲上其樹高者三二丈葉如槐而小皮理類沙柳腦則其皮間凝液也好生窮谷島夷以鋸付狃就谷中尺斷而出剝而採之有大如指厚如二青錢者香味清烈瑩潔可變謂之梅花片鬻至中國擅翔價焉復有數種亦堪入藥乃其次耳

石蜜

凡海山巖穴野蜂窠焉釀蜜無收採者草間石罅在在泛溢拋露日久必宿蛇虺之毒船人遭難入山者雜草木魚鱗之屬糝以胡椒熟而食之無害也脫遇石蜜以爲甘而過食必大霍亂而死可不慎諸

加南香

香品雜出海上諸山蓋香木枝柯竅露者木立
死而本存者氣性皆溫故爲大蠟所穴蠟食石
蜜歸而遺於香中歲久漸漬木受蜜氣結而堅
潤則香成矣其香本未死蜜氣復老者謂之生
結上也木死本存蜜氣凝於枯根潤若飭片謂
之糖結次也其稱虎斑結金綵結者歲月既淺
木蜜之氣尚未融化木性多而香味少斯爲下
耳諸香惟此種不堪入藥故本草不錄近世士

夫以制帶鈐率多湊合頗若天成純全者難得
辟珠

辟珠大者如指頂次如菩提子次如黍粟質理
堅重如貝辟銅鐵者銅鐵不能損辟竹木者竹
木不能損犯以他物卽毀矣常附胎於椰子檳
榔果殼之實之內通謂之聖鐵島夷能辨之故
以爲奇寶也夫威喜辟兵舍利拒火而此珠出
於草木乃能制犀利之物無亦庶類精華之所

融結邪然皆中國未之或見也所謂鍾於物而不鍾於人者茲亦一佐邪

蓬蓬柰

蓬蓬柰華言破肚子益果實也產於暹羅之岫隴如大棗而青島夷日乾以附遠漬以沸汁其皮自脫圓滿如大李肉潤膩如紅酥甘美可餽赤珍珠云

陳眉公訂正海語卷下

鐵橋病叟 黃 衷 著

恬澹道人 張可大

畏途 蒙齋主人 吳 恕 校

崑崙山

山在大佛靈南凡七嶼七港是謂七門其旁洲嶼皆翼然環列適諸國者此其標也其山多兇犀野馬巨麕異蛇大木復多平川沃壤數百頃

椰樹駢生墮實彌谷冬瓜延蔓蒼藤徑寸實長三四尺大踰一圍糜腐若泥淖然舶欲樵蘇非百人不敢卽往老估嘗鏡崖壁識嶮以示防云

分水

分水在占城之外羅海中沙嶼隱隱如門限延綿橫亘不知其幾百里巨浪拍天異於常海由馬鞍山抵舊港東注爲諸番之路西注爲朱崖儋耳之路天地設險以域華夷者也由外羅歷

大佛靈以至峴岵山自朔至望潮東旋而西既皇至晦卽西旋而東此又海中潮汐之變也惟老於操舟者乃能察而慎之

萬里石塘

萬里石塘在烏渚獨渚二洋之東陰風晦景不類人世其產多瑇瑁其鳥多鬼車九首者四三首者漫散海際悲號之音聒七聞數里雖愚夫悍卒靡不慘顏沾襟者舵師脫小失勢誤落石

漢數百軀皆鬼錄矣

萬里長沙

萬里長沙在萬里石塘東南卽西南夷之流沙河也弱水出其南風沙獵七晴日望之如盛雪船誤衝其際卽膠不可脫必幸東南風勁乃免陷溺

鐵板沙

成化二十一年乙巳 憲廟遣給事中林榮行

人黃乾亨備封冊之禮以如占城官治大船一艘凡大船之行用小艚船一選熟於洋道者數十人駕而前謂之頭領大船之後繫二小船以便樵汲且以防虞謂之快馬亦謂脚艇是役也軍民之在行者千人物貨太重而火長又昧於經路次交阻之占壁囉誤觸鐵板沙船壞二使溺焉軍民死者十九千里中有麥福者同七十餘人奪一脚艇棹至崖側巨浪簸蕩衆懼捨舟

而登山回望大舶覆處近如席前洪濤瀾汗惟
敗篋破甌出沒于其間數百人者漚滅無跡衆
皆長慟於是晝行夜伏捕蛇鼠拾草木之實而
啖風雨晦冥石妖木魅千竒萬怪來侮來狎悉
難名狀且已忘甲子惟視月弦望以驗時日曾
未浹旬死者強半存者二十四人復已缺食二
日蹒跚冥行俛入空谷中石窟寬坦如堂有
草葉如廣之水蕉掘之根類蹲鴟而大競取以

食喉間微覺苦澁餘味如葛識者曰此非惡草
也第未經風日水土氣作苦澁味耳乃曝之日
中衆亦偃息石窟已皆酣寢比寤曉星煌々矣
遲明敲火燃草取所曝日中者煨而食之味轉
香滑晨進一枚飢渴俱弭相率肆力而採頃之
根裔都盡窟居二日體力完健乃人負數枚復
沿水際而行俄聞谿中人語至見島夷數輩乘
三小船循谿搜撈段帛諸物有諳夷語者詢之

乃交趾占城二國之交徼巡船也二船酋長聞是覆溺之餘爲之隱惻各取十二人共載以歸二國夷王謂天朝人民館穀如禮於是占城遣人以二使來計廣中始知大船汨沒守臣以聞二使均荷恤廕又踰年二國始具海舟資送諸人以還蓋同日達廣也逆計卽危之日至是已二年矣麥福自言向在占城旅次月夕夢還其家見三道士設水陸醮聞其妻哭声

而寤福於枕上亦哭同寢詰之語之夢無不酸鼻者次年抵家見其妻髮而麻衣進几儼然夫婦相持悲喜交集詢其妻云凶問至時爲丙午六月晦初猶未信旣而審然七月望始倩道流招魂而葬月夕之夢無乃是乎吁人之遊魂夕數千里不旣神乎

鐵橋子曰甚哉利之戕賊也窮荒絕徼無不競焉二使銜命遠適異域不

幸而溺厥職固在諸衆人者何爲者哉
緣刀錐之末蹈不測之淵以飽鯨鱷非
溺海也。利溺焉耳。予故紀之以爲犯險
侔利者之鑒。其稱狀類蹲鴟者不知其
爲何草也。俾托根於通都名嶠得岐黃
爲之品第功豈下於重樓三秀者哉。茲
乃淪於裔夷廣莫之野獲濟者僅二十
四人才而不效嗚呼惜也。雖然幽人空

谷古蓋有之

物怪

海和尚

海和尚人首鸞身足差長而無甲舟行遇者率
虞不利弘治初吾廣督學大僉淮陽韋彥質先
生將視學瓊州陸至徐聞方登海舟此物升鷁
首而躡舉舟皆泣謂有魚腹之憂議將禳之先
生方嚴人不敢白也。詰旦抵瓊留十許日試士

都畢泛海而還若履平地後遷福建憲副考終
于家語曰妖不勝德

海神

風柔浪恬島嶼晴媚倏然紅旗整匕擁浪而馳
迅若激電火長卽焚香長跪率眾而拜曰此海
神遊也整匕紅旗者夜叉隊也遇者吉矣

鬼船

海船相遇火長必舉火以相物色日影向西武

二或兩帆檣樓舵首尾間缺下上欹側掠浪衝
突此舉火而彼不應者知鬼船也巫乃披髮擲
米拋紙而厭勝之

飛頭蠻

飛頭蠻亦海山中鬼物也居處嗜好與人無別
夜則其首飛去顧實穢物歸則身首屬而齶之
惟額下微痕如紅線耳暹羅島夷有娶婦得此
者其夫惡之或教以俟其首去置身于地以小

刀刺喉頸間頃之首歸不合宛轉而死夷僧云
是必素遺誓約鬼罰乃爾然予偶記小說云某
人家生一子自然無首則飛頭者豈亦冷氣適
然所鍾邪

人魚

人魚長四尺許體髮牝牡人也惟背有短鬣微
紅耳間出沙汭亦能媚人船行遇者必作法禳
厭惡其爲祟故也昔人有使高麗者偶泊一港

適見婦人仰卧水際鬚髮蓬短手足蠕動使者
識之謂左右曰此人魚也慎毋傷之令以楫扶
至海中噴波而逝

蛇異

弘治間有船欲取於占城者船中二十人將卽
山而薪是夜船主夢神語之曰明日所山須多
裹鹽也寤而異焉以語諸薪者或笑或不信船
主曰第人負十許斤何礙衆從之乃乘二快馬

卽山麓石潭深不可測二十人者分朋而攻
日影西山下声殷々如雷衆謂天日高晴何以
有此是必有異升木而伺俄有巨蛇蜿蜒幾五
步其色正黑兩目如炬山巔奮迅而下没于潭
如雷者乃觸石崩墮之声也有蜈蚣長可七尺
騰躍而逐之旋潭蹊々尾端毒沫時々射潭内
水色變如油抵暮潭面火燄高尺許船人熟視
乃自蜈蚣甲間出夜分循山而去光燁々燭山

谷遲明下山觀之蛇蹙踞死潭間衆方驚喜曰
裹鹽之夢實神貺也乃以藤纜聯巨鐵鈎引蛇
出平野剥其皮厚如黃牛之革骨節中壅白醜
其肉殆滿船腹衆乃輟薪載蛇以回船島夷之
船或過而見其皮問何從得之爲價幾何船主
給曰五十金島夷付之不較復問肉價幾何曰
百金又付之不較易載將發船主謂島夷曰若
何急此爲也島夷笑曰漢兒不識寶耳是乃龍

也其皮鞞鼓聲聞二十里此皮中七鼓一鼓卽
償今值易七也肉以爲鮓貨于國中且不知值
又幾倍矣船主懊恨自謂其不善買也鐵橋子
曰物遇乃貴。是何足歎哉。語云騰蛇游霧而殆
於卽且氣固有相制也夫

龍變

岡瀕海州也環海皆崇山其氓多以樵採爲業
昔有樵者三十餘輩駕二白艚涉海而斫薪午

將及岸遙望巨物青黑如蛇垂首山脊其角鱗
鱗也諸衆人驚相召曰蚺蛇吞鹿矣彼利得鹿
吾屬利得蚺耳棹歌踴躍而前維舟山麓以梃
與刃謀而爭先比至山半陰雲四合雷電大作
雨雹石注樵者怖散莫知所之頃之天日開霽
崩崖拔木弥溢山谷樵人血額裂趾者纍七而
集顧見二白艚閣置樹杪攀木而升則雨雹滿
載惟米鹽衣被略無所損乃取米若釜爲糜而

食越數日別艚踵至衆乃得歸鐵橋子曰事固有似利而實害者。樵也。烏足以知之。然鬼神戲人類是多矣。

石妖

妖出崑崙山。疑亦陰精也。昔漳人有取舶者。偕伴數十薪于山中崖間。石壁可鑑。漳人袒負石立。俄有婦從石隙出。姿態姝麗。殊非蠻島所有。漳人與語媚之。迷惑忘返。遂伉儷焉。婦曰。獻草

木實殊形異色。味皆甘脆。遂已饑渴。乃導漳人葺茅以居。繞舍蒔美竹。踰時卽長林鬱鬱。無復寒暑。漳人時從婦陟巘求食。每遭猛獸鬼物。婦身爲蔽翼。以免習見。毋怪亦毋恐也。婦又教之驗草木榮落。以記時歲。漳人安之。是生二子。不自知其流落海嶼間也。所閱草木凡五榮落。婦或他出。漳人獨居。忽聞伐竹聲。往視。乃舶樵也。中有舊侶二輩。卽鄉思油然而向。舶人道所以請

海語 卷下
共載以歸舊侶乃匿之舟中婦挾二雛追至沙
淑侏儻之聲如怨如詈擲二雛於水號噉而去
漳人登船竟瘖不能語

海語卷之下 終

跋

海語者語海者也曰暹羅曰滿刺加者南海之
國舶販所通也余叔鐵橋公以致政之暇間與
海客談匕而核者書之否者去之得若干卷分
四類焉夫地以名諸其國也川谷異制則民生
異俗惟政惟俗可以審夷情故首之以風俗匕
以民異有民必有物記曰鸚鵡不踰濟貉不踰
汶橋踰淮而北爲枳况裔夷乎故次之以物產

民物往來道有所必經危者使平易者使傾故次之以畏途畏者險也險遠無人之境怪異生焉故次之以物怪夫怪生於罕而止於習者也墳羊之辨佛齒之識其可少哉或者不知以爲漫陳海事非也嘗稽古大傳之紀四瀆將無同歟說者曰瀆者通也所以通中國垢濁民陵居殖五穀也江者貢也珍物可貢獻也河者播爲九流出龍圖也淮者均也其務也濟者齊也其

度量也海國雖非若冀之島徐之淮固亦與歲貢一王之事古志遠矣顧可無是作耶今讀之其事核其文直間復爲之論斷曲而中焉信可傳矣或曰公之文章德政滿天下孰先傳焉曰是則然當有舉其全者然亦可見公之一言一默莫不在人也斯以談海獨不知海乎禮曰三王之祭川也先河而後海夫河非海之全也而獨先焉則公之文章德政學之海也卽是亦可

海言

四

九

觀爾用梓以傳以俟夫善觀於海者

嘉靖龍集丁酉仲春吉日族子延年頓首謹書

